

ზაზა პაპუაშვილი - ძალიან გთხოვთ, უკრაინის ეკლესიის ავტოკეფალიის საკითხიდან სერიის საყურებელ მასალას ნუ ქმნით



ძალიან გთხოვთ, უკრაინის ეკლესიის ავტოკეფალიის საკითხიდან სერიის საყურებელ მასალას და ამბავს ნუ ქმნით, – ასე მიმართა დეპუტატმა, ზაზა პაპუაშვილმა ჟურნალისტებს, რომლებმაც უკრაინის ეკლესიის ავტოკეფალიასთან დაკავშირებით თავისი პოზიციის შესახებ ჰკითხეს.

დეპუტატის თქმით, ეს ძალიან ფაქიზი და რთული თემაა.

„გავანებოთ ამ ფსევდო ვაჟკაცობას და ფსევდო პატრიოტიზმს თავი. აღიარების თუ არ აღიარების საკითხი უნდა გადაწყდეს ისე, როგორც ქვეყნისთვის არის აუცილებელი. ბევრ კანონიკურ დარღვევაზეა საუბარი, რასაც საპატრიარქო გაიაზრებს და მიიღებს გადაწყვეტილებას ჩვენთან ერთად. ჩვენც უნდა მივხედოთ მათ, რომ ქვეყანა არ დაზიანდეს“, – განაცხადა პაპუაშვილმა და აღნიშნა, რომ ამოსავალი არის ის, თუ რა გადაწყვეტილება წაადგება საქართველოს და მის მომავალს.

მისი თქმით, ამ საკითხში პოლიტიკა არაფერ შუაშია და სასწორზე მომავალი დევს.

„არ უნდა ვიჟონგლიოროთ. აქ პოლიტიკა არაფერ შუაში არ არის, სასწორზე დგას ჩვენი მომავალი, რა გამონათქვამი, რა პოზიცია დააზიანებს ჩვენს ქვეყანას. აქედან არ უნდა შევქმნათ სანახობა, რომ აი, ხედავთ თურმე, ჩვენ არ ვეხმარებით უკრაინას და ა.შ. ასეთი ურა პატრიოტიზმის დრო დავამთავროთ, მივანდოთ ეს საქმე ადამიანებს, რომლებიც უკეთესად, კვალიფიციურად გადაწყვეტენ. ნუ გადავახტებით ამ ხალხს, სჯობს, მოვისმინოთ მათი აზრები და ანალიზი, ვიდრე მე ვაკეთო ვილაცისთვის გულის მოსაგები განცხადებები, არც ერთ შემთხვევაში“, – განაცხადა დეპუტატმა, ზაზა პაპუაშვილმა.

(ავტორი – ხატია ჯამალაშვილი / 1tv.ge)